

前漢書卷九十六下

漢 蘭 臺 令 史班 固撰

唐正議大夫行秘書少監琅邪縣開國子顏師古注

西域傳第六十六下

烏孫國大昆彌治赤谷城師古曰烏孫於西域諸戎其形最異今之胡人青眼赤須

狀類彌猴者本其種也去長安八千九百里戶十二萬口六十三

萬勝兵十八萬八千八百人相大祿左右○宋祁曰楊本無左右二

字大將二人侯三人大將都尉各一人○宋祁曰楊本大將作大夫

大監二人大吏一人舍中大吏二人騎君一人東至都

護治所千七百二十一里西至康居蕃內地五千里地